

少村漫稿目錄

卷上

賀工部尚書鄭敬庵七十叙

賀工部尚書鄭敬庵七十叙

代太保朱楚塵作

贈進士陳梅山請昏賜歸叙

贈諫議郭汝霖使流球還朝叙

應天府鄉試錄後序

賀藩伯任齋塗老先生督修堤事竣叙

贈岳伯陳見吾函表入賀



贈丹崖莫父母擢刑部尚書即叙

贈月潭山人叙

賀郡守易洞臬奏最保留叙

廣東道監察御史題名記 城全椒記

滁陽賓曦亭記 來安縣建城記

漢壽亭侯廟碑 簡李同川公

復分巡何鳳野公 簡分守塗任齋公

簡泉州王少卿 簡李同川公

簡朱蕙庵公 簡塗任齋公

簡譚二華公 簡易洞臬公

賀洞臬公 簡分守塗公

簡戚南塘公 謝分守塗公

簡譚瓶臺公 復何鳳野公

簡南塘公 答李華山

復洞臬公 簡南塘公 又

簡陳蒲泉大尹 簡李養翁

復萬育吾先生 答主政林兩山

簡戚總戎公 簡李石湖

卷下  
峇張榕洲徐壽泉

復戚南塘公

謝李同川公

復南塘公

賀渠翁李老先生

簡陳環江

卷下

奉李渠翁

簡朱蕙庵公

簡李石鹿公

簡趙劍門公

簡陳環江

簡郭一厓公

簡陸公子

簡邢雉山公

簡尹洞山公

簡康礪峰公

復劉熙臺公

簡陳環江

復塗任齋公

簡易洞臯公

邀塗任齋公

謝塗公

謝郡守易公

復莫大尹丹岸公

謝劉吾南公

謝巡撫汪南溟公

峇郡守易公

與鶴汀姪

簡塗任齋公

簡李石鹿公

復戚南塘公

復思泉表兄

簡易公

簡趙大洲公

與周松厓揭帖

簡塗任齋公

謝易郡守

簡劉熙臺公

簡朱鎮山公

簡李石鹿公

簡劉帶川公

簡康礪峰公

簡戚都督公

簡宗主姜鳳阿公

復陳少淇公

簡分守何鳳野公

簡戚南塘公

簡總制趙公

與壺宗姪

簡內翰陳對溪

賀易洞臯公

簡易公

少村漫稿卷上

莆黃廷用著

序

賀工部尚書鄭敬庵七十叙

周召公以北平為天府之國逮成祖定鼎向

離列聖績圖善治化洽滋年而山川形勝雄

視天下發祥隕祉公邁會生焉武廟時衰然

登進士第筮官民曹至我皇中興禮樂任賢

圖政廼晉侍從卿執得展才猷下膏澤於民不

可謂不遇已其謝事而歸則飲酒賦詩播之絲  
竹皆所以宣上德侈君恩鬯太子垂彛訓以  
裕后昆不可謂不樂已自公之生至于今七十  
年皆化國舒長之日襲休振世勒崇垂鴻盛哉  
鑠乎是月十日公孤矢辰冢嗣錦衣指揮君瓏  
偕其弟珠其子都事君崇孝幼子崇慶奉觴上  
壽侷予續詞申祝予臬長伯兄汝爲與公爲同  
進士而予官邸比鄰逾一紀謬承知遇欲申其  
祝舊矣錦衣君之請可以已乎夫

親之壽達之天下也然所值亦甚難矣書曰天  
壽平格詩曰遐不作黃耆保愛爾后是固有天存  
焉公合天者也大都廣陌天下士雷動雲合魚  
鱗雜蘖公慎其所以與問學漸漬有由矣風聲  
氣習繁華浮靡公介不移俗行不易方動不爲  
身厥考龍泉公一代偉人而諸子閔殖鉅衍公  
廣孝友于與與如也出而服官分政司徒釐蠹  
貞度節省盈縮犁然當其可爲大鴻臚表儀朝  
守言動章章爲少司空協恭同寅以居民興利

時有寵逆共事暴橫凌轢公力裁抑之雖肆忿  
恚擠排毅然不爲撓既以大司空筦銀臺事納  
言惟允公志適矣未幾致位杜門勅斷家務勿  
相關猶以市近也城南有別墅焉廼遁跡于斯  
學棲寄傲猶以地淺也卜築西山冷泉居焉不  
知歲月之朝暮木石鹿豕之與侶也進之底於  
道焉則靜以涵動虛以致實精神專一瞻足萬  
物夫天下有一賢人君子少知道者皆致仰止  
之懷公國之老成典刑具焉士皆歌之而况諸

若孫得以承顏娛志罄天壤之

識者謂公忠信孝友出於天植而經緯才猷足  
以翼聖庇民匡時揆物猶未究厥用使人不蒙  
引考之澤殆天遺爾後之人矣乎觀之繩繩蒸  
蒸克世其家史氏核實直書匪以揚美云

賀工部尚書鄭敬庵七十叙

代太保朱蕙庵作

曰帝王優念老臣從琬乞言詔問存遺皆所以  
逆老老長長之道篤仁孝以風海宇也自秦尊  
君卑臣爲臣者亦每每自卑冒榮寵之極昧明

善之義忘止足之戒遂至矯易去就而上人尊  
禮無繇施漢廣受乞骸骨出關歸老故鄉與其  
鄉之人共饗君賜以樂天年班史賢之至今光  
耀簡冊志難也鄭公敬庵致尚書仕家居長安  
年七十初度公卿大夫故人邑子結駟連騎繪  
圖画玉帛持觴詣門行慶者更僕未易數也公  
衣冠翼翼出見客容儀豐整見者咸瞿然歛衽  
異焉予解之曰公所以攝性養生有道矣夫世  
之賈財徇名夸耀每生之衆苛求務獲無所厭

足形後而心瘁求一日安寧得乎史遷曰人所  
生者神也所托者形也神者生之本也形者生  
之具也神太用則竭形大勞則弊形神離非所  
以存光祿和合大道蟬蛻囂壚之中自致寰區  
之外者也公進也達以行其志焉止也靜以鎮  
其操焉故凡朝廷有大典禮惟布席焚香北面  
稽首更不陳賀恐干希進之嫌至于事關舉世  
之安危利害則未嘗忘情焉猶居位時延四方  
豪儁與子姓講習經書子史文字親為筆削至

今不倦西山之下泉冽而冷盛夏則滌暑避喧  
昆仲親戚朋友高人往視之則置酒宴辭禮閒  
雅隨所欲而適焉托跡幽棲豈必親魚鳥樂林  
草哉亦云性所至已夫闔闢消長陰陽之大經  
也出處進退居身之所珍也見可而進知難而  
止安節而亨戒滿而益去健羨黜聰明應物無  
迹則與四時相爲還也故曰平其心者和其氣  
也澄其神者全其形也介以眉壽惠以繁祉天  
與人果相違乎錦衣君朱萐庵氏

天子詞聊以致其情云

贈進士陳梅山請昏賜歸叙

陳子敷元年二十登 皇明嘉靖十七年甲榜  
榜中三百餘人疏請昏者五陳子與焉制曰可  
行吾黨士大夫餞于郊曰我 朝應運統天錫  
極作人百六十禩矣于時聖化涵濡人文宣朗  
七入是選者不已榮乎予少遭 明時分曹服  
官家國天下承序輔理之責寔將受之茲行也  
有正始道焉 夫士庶之家猶閑之未變乃克

終吉蓋慎諸黃子曰蒲舊號多賢數十年來請  
昏歸者陳子大都委巷斯固誇示耀觀以爲華  
者也陳子倜儻竒邁偶偶然磊磊然處之若不  
與刑其足觀矣夫致遠者識受大者噐志在生  
人則其憂也匪以身猷念在天子則其樂也匪  
以家是故古明世之佐盛主也陳力而拯民宣  
心而襄化負重而格天篤棊而殫德故休烈無  
窮聲稱有永陳子噐宏識遠務是其由學乎夫  
義文易象唐虞墳典殷周誥誓春秋紀載降而

辨晉漢唐子史百家昭古今之監備興替之  
時而學之無自惰緩惟共乃職 天子命其  
辱矣昔左史不以申公子亶毫欲見以交傲衛  
武公年九十五猶求言於國之大夫師長作  
戒焉以子之年聞予言得無省乎陳子拜手稽  
首曰言然後知懼學然後知不足不穀何以辱  
惠微先生敢不慎諸縉紳士聞之曰太史進  
子遠者大者是謂倚相陳子志而納之其於言  
人也幾矣同心之言忠且敬者也

贈諫議郭汝霖使流球還 朝叙

流球在東海島間舟行程途不能計自隋大業  
通道逮唐宋無間元令之致貢莫肯承暨我  
明握乾闥坤效順獻琛凡其國有大典禮來奏  
皇祖綏以文德嘉與使臣答之累 朝率為常  
嘉靖御極甲午嘗舉故事茲戊午正月國世子  
尚元航章句 封四月二日 詔給舍郭一厓  
君克正使持節行而介者大行李君槐亭八日  
陛辭九月抵吾省檄諸司刻木為舟舟成為鳥

蜃蠹加以頻歲倭奴侵犯海以外不靖尚元間  
之碩領封跪其事於 朝下祠部議不允乃再  
造舟遂回者四載辛酉五月二十有五日禱於  
海之神放舟而東閏月九日達其國詹吉奉  
冊行禮如 制尚元肅將祗歡饗使臣文與情  
俱一厓君承朝箴甚謹私惠不歸德不留馬事  
既竣十月九日登舟候風十八日行後二日雙  
神雀宛宛廻翔夥長曰茲颶風微也頃之颶風  
果大作震撼播蕩舟着立着覆在行者五百人

皆震驚額號二使諭之曰命也第困亦甚矣其  
去也順流以西南風其歸也逆流截海以東北  
風灑灑乎淙淙乎無東西南北風一不順則波  
浪滔天怒號四起中流而折柁斷綆將何恃乎  
所恃者神天相焉有善水者即續其綆而新其  
柁五月底定縱其所如入温台望望然以閩山  
為歸及見定海舉欣欣然喜曰得生矣十一月  
二日抵三山二院諸監司郊迎相慰勞曰海上  
之歸樂乎夫坐井觀天以天小也今乃知大

為大矣浴日吞舟之魚背黑則映天眼赤則射  
波蛟龍變化則雲霧陰翳風日晴朗則海波不  
揚扶桑若木森然島外雲峰黑水上下東隅殊  
方別種語言飲食槩得其狀中朝衣冠威儀為  
遐陬欽矚起居尊榮茲行也不為樂乎使於四  
方不辱君命夫子以為士今郭君使海外還  
朝報使事誠大丈夫矣得無紀乎明日授簡  
於不敏乃膺命作而言曰燕禮工歌鹿鳴四牡  
皇皇者華禮以食之樂以樂之誠以將之故有

以得人臣之歡心夷險不二生死不休郭君使  
中山不為遙歷風濤不為艱其程途所經民情  
幽隱有司臧慝政事廢興皆在睹記之中書之  
奏牘所以通下情而達宸聰是為能忠其職  
豈直宣德威使夷邦已乎且聞太夫人垂白在  
堂倚門而望積憂而危者匪朝伊夕一旦見其  
子海外生還則母子天性悲喜交集更生之願  
誰能喻之詩曰每懷靡及諏謀度詢又曰周是  
作歌將母來諗謂作詩者為知道非乎

應天府鄉試錄後序

嘉靖歲己酉秋維七月六日臣銑臣廷用恭奉  
上命典應天府試事事既竣迺拜手稽首言曰  
維皇祖受命有此武功于時考卜宅是鍾陽維  
成祖承烈定鼎燕京兩都竝峙萬方拱極山川  
連亘幾千里相錯如繡比入徐淮瞻濠梁仰惟  
皇祖當昌運而興順天應人一時佐命元工雷  
動雲合翼龍以飛鼓舞域中肇造區夏及天下  
底定興學設科文武竝用其繁簡異宜加詳外

眼所以重根本長楸枝幹也列聖續圖封植人材耆壽俊在厥服暨我聖皇發祥江漢八承祖宗大統懋德建中本人紀明王道配天地嘉惠庠序之事敬一箴訓頒于中外臨飭臣民語次尋繹久於其道光天之下至海隅經生學子皆克有造其登可者籍奏于宗卿于天子之廷比材彙征需次服官鉅細臣工斌斌然布列遐邇寔足以宣休德流渥澤保艾生人翊衛社稷熙洽明昌其亨嘉之會乎皇上籲俊尊帝猶日皇

賀藩伯任齋塗老先生督修堤事竣叙

莆故鹵地古邑曰蒲田以水患退今去水從莆  
滄海成田其來舊矣莆去海不二三里許往潮  
抵僊邑溪海交流浸漉日滋有異人於木蘭上  
廝溪流二支以溉南北洋田中築石以障潮之  
入海濱廣斥擇其要害設堤無慮二百處使田  
不巨浸可作藝蓋大為之坊也自乙卯倭奴入  
寇决堤田不可以耕耕不得以償種師旅饑饉  
並臻而嗷嗷待舖者越八年甚於洪水之災迨

今不加修捍則莆之田又蕩然矣癸亥夏

天子嘉納臺臣議發內帑金若干自九重以

布惠于海隅蒼生與天同仁極陰之餘而陽

澤生焉公往按饒陽文惠光施威燁旁達赫有

聲稱于處郡城陷主上聞之軫卹簡命公

以行古定都遵閩關下建灘南盼井邑蕭然忉

怛咨嗟傷哉編氓何以生生入境內田疇未辟

城郭未完公私廨宇未復流亡未集啼饑號寒

者尚未已惻然思所以圖之何以章吾君之

惠而亟於所先乎水土不平則百穀不昌故下

車布法首勸農桑審倉粟詰戎兵補敝興廢康

保元元以次行之時則有若同知泉州府事譚

維鼎莆莫尹天賦福郡經歷王坊亟令之修堤

事而公則咸勤誥治冒暑相土驅馳於海激山

谷不爲煩荒度周慎凡爲水益不害我禾稼者

務覃其心思佚以使人人忘其勞日稽月成視

運同劉汝順所計數省金萬餘甲子歲四月朔

鳩工秋七月工訖元光中河決瓠子帝臨河沈

白馬玉壁令從官皆負薪塞之司馬遷悲瓠子  
之詩而作河渠書甚矣河之爲利害而海爲甚  
焉某嘗親履海壖瞻潮之來也噓喻萬川巨浪  
浮天決漭湍悍一泄於尾閭虛而不止如東角  
遮浪二堤延亘數十里苟罅隙可乘水性衍溢  
工費湮沒冷乎可畏哉今萬家樂利皆吾君  
之惠而致之甫者公之功不爲偉哉公神德天  
授自齟齬善屬文窮墳典而作大雅及哀然登  
上第嘉尚虞周志文武以憲萬邦涖官未朞歲

果大熟家給人足田甫野叟咸嬉嬉然以爲數  
十年來所希竒事不圖今日復見昇平之盛外  
夷屏迹中土乂安桀黠逆曳方正不倒植徵休  
順應念功載道體天弘化其神如此名實純粹  
由茲晉廟堂所以奉天道調陰陽葆合太和  
卽一方人心達之天下可見矣郡主易公偕莫  
尹上下勤事欣覩功叙以某謬辱公知好嘗職  
史必能詮次所欲言以垂國志於無絕已時廼  
不敢以不文辭謹書其大令作頌者得以觀擇

馬

贈岳伯陳見吾函表入賀

惟聖主握乾向離御極撫世于今四十有五  
禩而八月十日金氣秋行南極宵現景命丁  
卯支干初度貞元迭運由一至於萬凡八紘士  
庶欣欣然以爲聖作物覩古今所希竒何幸  
生斯際歡娛鼓舞於堯天舜日之下陶陶皞皞  
而忘其所自內而勳戚九卿各率其屬外而王  
藩世臣岳牧函表進于宗卿以達于宸聰亦

有一二臣衛布乘黃朱以為庭實奉圭兼幣以

親觀一人垂拱于五位之尊伏謁闕庭

親觀天顏鵷班文石指笏嵩呼手足舞蹈翼

如也陸辭宴以大官錫以寶鏹極臣子之榮

遇而明良之盛典也陳公見吾以次詹吉行

郡易守借節推周來徵用言且致泉漳二郡

守意甚懇用職史不敢以不文辭廼作而言曰

大君天也天以一氣高居旋轉而四時五行各

宣其令太和流行宇宙間故能循軌而有常人

若如天運於上而百官庶司各理其職故能久  
道而成化茲皆誠也誠則不息不息則富有日  
新盛德大業至矣哉粵古皇風沕穆若軒羲二  
帝三王長年膺曆胥此道焉爾已我 聖天子  
當明昌之期星慶河清之會履 帝位思道恭  
默神志寧一建極用中以仁壽于天下而天下  
之壽吾 君者愛之如父母歸之如流水辟之  
江漢縈迴遡遊浩浩焉朝宗于海莫之能禦故  
中興之世應期而出詩曰受天之祐於萬斯年

四方來賀不遐有佐又曰維嶽降神生甫及申  
維申及甫維周之翰於下武知君之眷命於天  
以爲民也而君之道得矣於崧高知臣之降神  
於嶽以爲君也而臣之義著矣公轄閩省旬宣  
屏翰周爰咨諏知我邦瀕海艱食爲民求生生  
嘉謀嘉猷入以告吾 君出以語公卿大夫士  
所以若 天子而賦 明命使良有司致之於  
民則嶽降之意不在茲乎公爲名御史所在流  
聞所去致思若此乎何有敢徼惠一言

贈丹崖莫父母擢刑部尚書郎叙

夫守令者民之師帥職親而近民令專城凡大而刑名獄訟錢穀小而魚鹽瑣屑咸委命焉故令視守爲難而莆之令則居今爲尤難焉莆夙稱文獻自乙卯倭奴犯順侵軼漳泉福興四郡相去千餘里人民村落被屠磔焚掠不可勝計而襲破興郡則壬戌臘月盡日也烈焰蔽天肆行殺入城爲夷人有而守城皆夷也劉顯於是日領兵到城下兵大潰軍門蔣震德屯兵福清

逕遣不進坐觀大敗叅政翁時噐總兵畢高皆逃走至癸亥正月廿七日倭乃移營去 國初未未蒙兵燹之禍城之陷也自今日始郡城之陷也自興化始報至京師 天子惻然軫念乃命銓曹慎簡其人以行莫侯承之不以閔恚自阻塞遂就道是年夏始蒞官公私廨宇儲積蕩然一空城無長物令雖欲興其誰與興百政廢弛孑然一令耳其難有不在令者紓徐容與爲艱於易爲大於細博觀治亂之原詳畫兵食之

費頻年民習於戰鬪而輕於移徙視法守爲土  
宜亟之則殘寬之則慢酌剛柔之宜而善用之  
辟之絲亂則難理弦燥則難調一非其宜民受  
其毒又未出膏火也侯德深而不露事治而不  
擾化流而不蘊民之去也過其半又當清稽版  
籍之年昕夕披閱以爲丁可少也減圖二十一  
賦不可少也則已蒙 聖恩停徵三載復疏以  
請其志在勤恤康保視民之未寧真猶痼瘵之  
在身一時監司將卒道吾土者纒紛侯調度有

節雖築城修堤亦躬自爲之政平人和百穀用  
登萬家告給駸駸然有太平之望侯徃主刑曹  
事民挽留而莫釋如失怙恃夫有憺怛子惠之  
實政則必有欽恤明允之實心由此其選澤霑  
八紘名垂九鼎易易爾昔子產爲政於鄭與人  
有父母之頌孔子以爲古之遺愛也城陷後侯  
首當其難忠勤勞瘁既厥心矣所在令名所去  
著思不爲民之父母乎故特表而出之以爲司  
牧者鑒焉

贈月潭山人叙

余邦夙號文獻乙卯倭奴自海外汎洪濤數萬里入寇壬戌冬襲破郡城山川土田猶夫初人民則去其半矣室廬煨燼道路藜蒿廣漢塗公任齋以藩伯救寧吾民携柯氏山人曰珮者來相茲土予入謁公公令出見叩之莆災甚於風水有說乎答以少涉江湖遊楚蜀蘇吳宣歙間閱地多矣如名山壺公蟠踞數十里突然巋然穹正離而立狀如端士摺笏九華天馬諸峰聳絡迤邐大海延亘溝河曲折西北多山東南多水得乾坤大勢斯爲貴予曰朱文公主簿同安望見壺公即豁然曰莆文物繁衍此老作怪古識相傳水遶壺公山莆陽朱紫半自洪武二百年來不蒙兵燹生殖豐聚才賢輩出以服勞王家得齒上國今有此何也答云天馬一枝奔入城中爲烏石山相傳金獅子即於此山之下置塲演武蚤暮兵戍操閱金鼓旗幟聲容鼓噪而山脉勃然有生意支麓嘉茂世家巨姓多鍾祉

馬近移北郊東向南露青山若窺探塲中城西  
諸山環迫交戟非利前守岳蒙泉公通城西之  
水以下東關使血脉宣鬯今淤塞不可舟宜濬  
之四城隘作重門雉高其舊氣蒸而鬱皆非利  
予聞之有合哉作而言曰壺山賓山也徃城兼  
濟橋至 國初堪輿家始闢之夫天馬一枝北  
趨綬溪使城莽苞則山脉全而水勢滙頤廼截  
山脊爲之今綬水東奔合障之南行海潮汐王  
湖城界是則吞吐天日涵生氣爲近而昔人之



P18

又文墨空內無家超然塵勞之外於世澹如也  
今年端月當獻績民相與言曰侯將治行入于  
朝比承明例未可以行當塗者果嘉與功叙令  
吏人上狀廼相與欣然喜曰侯復來惠我邦之  
人則必有重書勉勵增秩賜金天之道與人遠  
哉居無何以不違將母垂白倚門亟欲以病請  
又相與愀然曰侯仕不負民思不遺親仁者不  
可失也夫民阨於陸危望治心視饑渴爲甚惟  
師帥得人廼能宣上德流恩澤體其情而恤

其私與民休息以圖優裕和平之福公下車政  
必急於所先教不煩而從相時以宜民訟平禁  
止吏嚴盜熄上下安之三年如一日循良莫加  
焉若行則黎庶元元囂然喪其樂生之心何怙  
何恃仁可遠乎哉薦紳士胥曰觀之人情久欲  
私吾上而不知公瓌瑋巨材廣施而尊譽社稷  
之隸當爲天下留豈直守一郡已哉

記

來安縣建城記

魏尹大用乙卯冬奉

天子命蒞來安越

明年丙辰秋作城又明年丁巳春二月城作  
倭奴由揚州達天長抵泗州城下泗州去來  
安百里許賊相戒曰無入來安城始作守惟  
嚴是以民得免於禍全活者甚衆士庶皆德  
尹之功夫尹之始至謂民難與慮始早作而  
夜思務竭其精神以城之作也不可以已迺

上之監司曰可自學官林大珠生儒以下無  
慮數百人以其情愬於有位者夫自壬子夏  
海倭入寇江之南赤子蒙戈鋌而死湯火者  
流血成川積骨成丘昇平日久防禦之策至  
于今漫無可否故來安士庶為家室謀日夕  
悽惶然相與言曰賊樂於死者吾生人也不  
可與敵舊有土垣不可與守苟無城將安棲  
有城吾得以生已凡春秋重興作懼非其時  
也歲且發非時詘而也者况瀕江四郊

成祖定鼎北平分省列道布昭俊乂凡四方有  
疑獄重政有大章奏必下之臺司綜核而後行  
其未當于法則聞于天子緣情以定辟審幾  
以協一而治道係矣 國家崇慎厥官官惟其  
人以 朝廷耳目資以明以聽所以章休德揚  
風紀通幽滯以人事君以言爲職也維時省方  
恤民簡賢黜惡責莫大焉廣東道所轄實古百  
粵萬里之外近而刑部應天隆慶諸衛所若干  
亦隸焉政立而風行志加而澤暨溥哉中外遐

邇所爲觀也鄭君虛亭巡按山東歸筦道事乃  
言同予道者無慮數十人尚未得名籍比檢閱  
往牒自弋君瑄而下得若干人謀之王君介庵  
陳君遜齋欲礮石而叙次之間記予予惟自書  
契之作簡籍所載先民可得聞者章章也歸乎  
臧否昭鑒故流傳不泯 國家持此以勵世作  
人惟名之 謂足以勸也因之詢事考言稽迹  
明心謂足以信也然猶未核其實也於戲實豈  
易知哉蓋人之情貌易詭沈阻難徵寄治託公  
其實益寡非所以敦洪範之德降翼爲之義豐  
茂世之規欽天道之崇也故皇風淳龐王道誠  
一德侔兩儀名貫四時志士貞夫獨觀乎昭曠  
之原砥礪名號嬾趾往哲輸忠布公固志永圖  
乃純終令聞章史冊而銘旂常即百世之下見  
其名思其人而尚論其世無弗愛且敬已傳不  
云乎行出于己名生于人不可得而干也斯志  
士貞夫所爲夙夜憂勤不遑寢處者也不然風  
微則易溷澤近則易息後之人按珉而讀之將

指名而誰焉亦足鑒也已諸君皆今之臺雋也  
茲記也固予所謂百世之下足以興夫人者

### 滁陽賓曦亭記

寺正衙東廂是爲庖飧地塵土堆積木且焦矣  
西廂鼠蟲巢窟一見異之例少卿轉正贈長大  
書刻唯二十金予謂咫尺遷轉何須焉通兩廂  
頽圯甚復有風折栢木餘三十根即銳意爲之  
稍多油布之加采色焉戊午三月吉具儀告方  
神經營不期月工成越仲夏既望乃移寓于斯

遊讀食息皆賴焉樹前後左右一帶仍其舊以  
俟來者次年己未春二月改勲卿行之前書此  
以識歲月顏其額曰賓曦晨興政與學若拱焉

### 漢壽亭侯廟碑

侯之廟食于天下迄今無慮千載上自王公卿  
士以至村翁野嫗胥奔走焉其稱頌英烈不特  
搢紳先生雖村翁野嫗類能言之夫自古勇略  
之將仗節死綏之士與侯相似者不知凡幾而  
侯之英烈獨能傳諸不朽無間于人人者豈其

精白一心有非慷慨激發于一時者所能及歟  
當漢之末群雄並起而爭何可勝數勇略如侯  
者非提一旅自奮如堅布輩則如張遼徐晃之  
徒翱翔于二袁孫曹間耳而侯獨崎嶇百折必  
得帝室之胄英名蓋世如劉先主者乃與張益  
德同心共事誓生死不相背負故其羈于曹公  
甘爵美祿禮之優厚時曹強劉弱已有定勢侯  
志弗顧也雖奸回鬼蜮亦察其心神不可留故  
使遼以情問之觀其言吾受劉將軍厚恩義不

冊濼煥如也予不敏素辱二公知好命筆紀其事乃備書侯始末之大者可以見忠義在人如一日讀者可以興矣


城全椒記

全椒三面皆河也河以內地不滿四里許居人鄉井聯絡漫然曠野中所從來舊矣歲丁巳倭奴入犯盱眙天長逼泗州城下警報日亟人心惶憤踰伏於草莽間莫所逃生顧尹履任未期浴於衆曰有城則守無城則危棄之不可曷爲

之所迺於河之南一帶伐木列柵晝夜循行悉心調度爲死守計未幾賊遁去咨於衆曰民可與樂成難與慮始今倭奴頻歲入寇中國不來則已來則縱火焚之柵不可恃也是亦折柳樊圃何如城城則守斯固矣即以是白之監司報可遂相高低計丈尺物土方程序期審徒庸書材食於是年五月詹吉經營先築土垣週遭六百餘丈不期月而工成累石以爲衛凡城上堞埤樓櫓規制煥然新矣戊午秋庠之師徒詣予

言曰椒自漢唐來故爲邑我皇祖定鼎金陵十四年割龍潭高城二鄉屬馬隸滁去大江不百里正德七年爲流賊所困嘉靖十一年盜徒作逆倉庫券信委棄殆盡雖守臣累督戎師與民人協力固守猶不忘懼心昔戚諫議屢爲此懼語之當塗先是趙守疏請于朝下憲臣議因循行未果今尹因民之危而安之因河之勢而城之始欵闢而廣之以河勢滔陸必爲閔停蓄河流導之使循故道工繁而費廣時絀而舉

羸不已難乎抑有待也尹城時暑不蓋勞不乘  
捐俸以與民同利憲臣亦俯念其艱稍給其直  
士民樂與斯役者若干人爲堵雉各有差即撤  
民廬舍而易之以地無怨聲工竣敢祈太史一  
言紀其實今州守嘉惠尹志爲之申其說夫利  
害之微興革之際古人所慎也自壬子倭奴流  
毒江以南至今無寧歲易曰重門擊柝以待暴  
客言城之所當作也杵臼以濟萬民弧矢以威  
天下皆所以強國禦侮措生民於衽席之安不  
可一缺者楚爲城方山而尹爲城則方河城  
而固苟審知其不可勝繼自今民多內從日成  
都市萬一有警則堅壁清野可守而可以戰尹  
之功民之所庇也得不爲賢哉是可紀也尹名  
達餘姚人先趙守名大綱濱州人今應守名鑣  
台州人諫議戚名賢鄉之人以文請者學官駱  
文光生員戚汝業黃裳輩不盡書



新法  
一八

天

難中起居一二惟公令之候候

簡分守塗任齋公

服食器用茲特解少匪明公垂情貧乏檢筭中  
所有一一分賜則亦苟焉安之故吾自適將奚  
求哉今恩惠出於至意華光將於縟儀某也不  
敏對使登嘉曰德之將也曷克承諸先裁啓謝  
伏冀賜省是爲榮

又

公昨不戒裝往仙邑乃揚旆登筵以成信首夏

疎雨花徑菜畦少傾半日之權脫鄙陋而遊高明溢所聞知充然有得也正擬言謝使至承賜以佳筴名香濕暑所宜執誦台言媲美昔賢乍別數日神當往焉

簡泉州王少卿

別久得會少伸契濶之懷稍慰一二巖居遭不辰無有知者可共談以解沉鬱惟看山玩水種柳藝花聊度暮齡今蚤守道欲過別整衣待之不及再叩午候擬治酌屈枉教與公長言之不知能暫稅駕一留否見守道節推自有話說不露跡也草略裁復

簡李同川公

逸情丘壑忽承復諭盥手讀之感與喜并誼激恩深誠而不欺如尊諭不敢多議者不惟用心信之天下人亦信之持此以事主御民鮮有不孚以應者即巡察閩中風行而草偃敝郡破敗之餘仁昭義立沐浴膏澤民忘其苦也非公誠能動物安得反否爲泰若是神乎某性資剛

少本漢和 卷上  
補與世寡諧而獨遇大人長者推心置腹過爲  
存恤則闔家戴德垂示子孫知恩之所自也逢  
此悖戾蒙惠再三與他辰比謹遣僕遥申謝臆  
回瞻憲旆東樹燕雲某杳在海隅揮淚拭目惟  
焚香祝公蚤登樞府秉機軸以霖雨天下蒼生  
是心所欲言而言之所不能盡也餘冀賜亮無  
任激切悚慄之至

簡朱楚庵公

奉別台顏于今五稔中遭艱危奇難而歲月寒  
暑銷耗精神營衛漸入衰弱非公曷聞焉同川  
公攬轡入閩適當敝郡城破百心區畫適中機  
宜日夕勞瘁憂深而慮遠生人之所庇也某蒙  
庇尤深出之膏火中登之衽席之上皆推明公  
之賜也謹裁佈寸衷邂逅間願爲謝之不勝祈  
懇瞻溯之至

簡塗任齋公

未別有懷况別乎公之心其有合哉蘅門蒙過  
從坐移晷披情悰領誨益累千餘言暫爾分違

乏長者轍迹日在東郊尋水問釣依山藝圃新  
移芳荔數株綠樹錦囊爛焉奪目坐其下不覺  
夏之晝也何時得蚤歸施一尊對清陰不巳樂  
乎興至神欲越臨筆惘惘然餘賜照

簡譚二華公

追惟往夏當倭患爲烈仰藉神武於赫殲旃勦  
絕民念公來遲而喜公亟成勲日者忽聞公得  
終制天子嘉惠純孝我方人挽留而莫釋忠  
赤威燁海無波山谷無警論功者首勸奠出而

書旂常未足報稱東人之思豈古今相遠哉某  
性資剛褊巖居寡與一見公瞿然歛衽重慰平  
生未見之懷暮齡何幸焉初擬驅馳入省贈于  
河之滸煩暑中弱體尚未平敬啓裁佈伏冀俯  
賜庶照辰下正熱惟祿和爲宗社生靈加愛不  
宣

奉洞臯易公啓

公蒞茲土不意遭城破敗之後編氓半非版籍  
雖存而田土荒蕪人民逃徙丁與糧則大失其

少和漫和 卷上 十一  
舊聞明公欲減畝定籍上其疏于諸監司萬口  
合辭稱誦以此書手日盼更化善治若欲大冊  
告成保不出期月前午衆心來訴敢求轉白台  
前得從寬比某以誼所當言乃爲執筆上聞伏  
惟鑒而聽之俾言者有光華焉餘情面佈

賀洞臯公啓

恭惟南極星躔徹夜光華于海徼中台位望侵  
辰瞻邈于蘅門敬獻微儀庸申勤祝伏冀鑒茲  
筐篚斥寘堂階曷勝雀躍之懽聊罄鴻私之積



P30-P31

種于南徼鄙悰縷縷薄儀將之侍酌者情親必  
能承歡忘醉則送酒者爲有光矣家圃荔枝芳  
味非楓亭比使妃子在不知如何嫣然媚春茶  
只少雪水烹之其興與學士不慳漫書總成一  
笑惟鑒存是寵

奉南塘戚公

十五日賊聞公兵將至即起營放舟幸而殘軀  
得歸某命寒五閱月被執營中驚恐萬狀無復  
生全之望非仗公之庇安得再晤往歲大捷倭

賊繼至闔郡諸公以書請再屈一行而節鉞面  
北矣使公來豈使赤子塗炭至此哉虛張之人  
可與共事公文武全才成撥亂反正之大功麒麟  
掛名古所希竒其與公爲同志之交自附知  
已別後話言不敢忘承委大筆尚未塞白拙軸  
併余天池手卷俱付煨燼家中無餘物此惟可  
與公道之人毀其削髮爲倭長今髮尚在也莆  
人樂災禍而喜造言率類此力疾草略不文

奉郡守易公簡

某被執營中五閱月四月十六日方得生還驚  
恐萬狀寢食靡寧氣血虛耗日夕負牀檢方弱  
病彌增以茲不能詣候門墻罪歎益深然瞻邈  
之懷刻刻不敢忘佳節偶得泉柑十二枚奉備  
蒲觴抵獻也伏惟照存

奉陳蒲泉大尹啓

惠安與莆接壤近倭奴人犯而貴治得以康保  
非公防禦有素曷免焉惠之民何幸何幸兵憲  
萬育吾僕庫戍所取士也近過莆邂逅道及公

盛有所聲稱祗未獲識荆未見之懷甚於見也  
敝城陷僕被執營中四月十六日起營乃得生  
還五閱月驚恐萬狀精神衰耗以茲公抵莆不  
及叅謁聞之瞻溯倍加惆悵裁候文府伏祈庶  
照

奉林養翁啓

四月十五日賊起營某始得生還五閱月驚恐  
萬狀精神衰耗日聞人情世態倍加傷惜時聞  
翁起居以未得一會對談賊中辛苦乃知翁寄

日者煩節鉞南征掃除倭奴其以營中初  
體弱甚竟不能趨候道左遣价子申稟蒙  
云天地東西南北尚有傾陷無名種子之訟實  
勘破道奧登道岬矣終身服之以爲養德之助  
不已多乎又遣棟兒出涵江叅謁致簡公微服  
在兵中無由見顏色乃持簡而歸遂以附譚翁  
上記室曾未希見示兵略佳製去秋欲某序之  
簡端近已付之丙丁幸再擲一部即爲操筆同  
志之雅所以識不忘也四月廿一日非公兵至

則賊必攻仙遊再入興化矣此某在營中所親  
睹聞者登塘之捷天開之於先星變可徵公應  
之於後萬家所賴棟兒方志學之年慕公文武  
爲憲願伏叩門墻惟與而進之則登龍之幸多  
矣咫尺萬里臨楮心神飛越萬分不能道一統  
惟心照

小啓奉李石湖

秋入郊墟更覺蕭疎忽聞文旆將發別緒勃焉  
近午屈過臨少談片頃兩餘又稍涼候候

小啓答張榕洲徐壽泉二公

出自膏火中逢此秋光當夜夜尋樂不可一刻  
放過况故人蕭疎屈指驚心與公對言之亦稍  
慰也第連日疥盛發凡一切飲食皆省之俟向  
平主人具壺榼屈過從期另報

復南塘戚公書

日者棟兒歸承台諭同心之愛何日能忘某當  
亂離之後城空百無所恃家中蕭乏無一長物  
猶不南走湖北走越所仰恃者以明公威令在

爾今秋汛將至倭奴知敝府殘破之後恐無意  
第不才在營日久屢聞其欲攻仙遊攻畢則復  
攻興化過冬之賊非我公神將麾戈許村大破  
之則生人受禍何時而已吾鄉士民渴望公發  
兵千餘來守茲土如胡總兵之材者令總之聲  
之所震必遠遁矣願明公裁允海內外聞公名  
蒙公德威萬口一聲天之道人之心其可終泯  
使至承腆儀一一祇領草略裁謝併佈懇悃  
不喋不喋

又

今秋賴庇有成家口稍自給承惠太勤受之愧  
惡欲奉謝犒士又非所以爲恭也兵發即欲行  
公憐念敝府慘害之極借以安其心則奔竄  
之衆當有安集之期矣海上探報惟謹此在明  
公自有見跋佳製容嗣寄

簡謝大侍御同川李公省下分賑

庚戌叨春省同試辱枉顧者屢匆匆奉荅竟未  
緣瞻顏色領誨言時維懷焉日者承天子命來

蒞閩省貞度肅紀敬郡適當數竒百務倥偬非  
公殫心力何以濟時艱而安集殘氓哉近朝廷  
發內帑金三萬此殊絕之恩以抹塗炭之餘所  
冀仰體宸意慎重調度委任得人以興衰扶正  
功垂於永久名勒於鼎彝數年來敝邑不蒙諸  
公巡察無復旌別淑慝之典百姓即不知有禮  
教刑政而其心蕩矣伏願攬轡澄清使居瀕海  
者知臺史尊嚴而干于法紀者鮮不挫矣風之  
所靡豈其微哉某生也不辰遭變為大使至荷  
鴻仁嘉貺祇領益增傷悲惟有拭淚感激而已  
所祈者若時祿和以膺帝眷不宣

復南塘戚公啓

日欲侍教以強賊未滅積仇未復我公務竭其  
精神謀猷號令戎士日夕勞瘁仙邑告急與蒲  
為唇齒尤懍懍然故欲進而却者屢矣犒儀菲  
薄而申懇良勤且遠惟明公鑒只留只不為華  
乎所濟無多公重茲賞何幸焉草略裁復執事  
者

賀渠翁李老先生壽啓

恭惟平格元臣榮膺壽錄乃逢甲子初度寔惟  
月朔日翁以黑頭蚤入黃扉輔導主聖培植  
元氣流福生人厥惟普哉翁以壽吾民天以壽  
吾翁理有固然者某叨立門墻蒙薰膏提携恩  
同再造者滋年矣屈指韶華瞻憶誕辰匍匐就  
道奉幣稱觴禮亦宜之第時有不由心特茲遣  
僕子行行之日某遙拜祝曰願父師壽矣即登  
樞府以霖雨蒼生此非一人之私言寔天下所  
共願惟天其鑒諸關川阻隔函簡馳神無任拜  
舞欣躍之至

秦環江陳親家啓

日者二華先生下顧道及公牌至已得啓程之  
期矣茲使至伏承翰示儀貺且慰且感念堂歸  
先此領教姻婭情愛自繾綣不遺焉爾已前月  
朔旦倭奴復到涵江報急有司無策數家居人  
欲逃竄入山不敏堅以守城爲長計城中人示  
爲行止心稍定抵暮戚兵至衆欣然以爲得生

賊圍仙邑月餘矣賴死守譚戚二公遣壯士賫  
火藥冒死潛進今戚公領兵札何嶺去仙邑二  
十里許欲衝一角看二三日何如耳時事艱危  
吾聞不知何以為終也仰仗公入朝邂逅諸老  
懇言多給兵餉鐘陽兄近簡都公曾為請糧聖  
意嘉納准發金二十萬未知果然明後日差小  
价來賀使者告旋急草略裁答縷縷不盡

又

恭惟獻績三載榮陟伊邇以道便省覲高堂稱  
觴雙壽鍾鼎之養賜服之舞茲人間性分至  
求之于今鮮有倫擬匍匐趨慶禮亦宜之體也  
弱境內復多事檄書馳神惟有瞻祝而已昨近  
念堂道徐翁欲保公早入京第歲維暮矣聚首  
遶膝上春酒乃脂輪而北不為希奇之盛事哉  
高明自得之餘惟葆和以寵膺帝眷不宣

少村漫稿卷下

蕭黃廷用著

書

奉渠翁李老先生啓

二月十八日承復台函併賜嘉貺僕子聞月十六日抵家祇領叩謝外盥手開函捧誦再四情誼深重惟有感激涕出而已恭審尊體春日佳勝貴介六公子行止各迪吉又慰瞻盼下隳某日欲泝建溪入越中樞趨師席以終夙盟以紓

積懷第弱體尚艱於出門俟秋冬之交何如比  
趙巡撫年兄使人來情文俱至皆出分所推也  
人旋附獻土宜聊申芹敬云伏冀亮納無任簡  
褻惶懼之至

簡朱楚庵公

入春履慶萬福攸同君臣一德都俞于廟堂之  
上以經綸萬邦公昆玉直贊默相太平之治茲  
魚水交歡千載所希竒之遇客秋主上特賜驂  
乘與上公並入禁苑道路觀者誰不榮羨中外

聞之皆知積善所流明良遇際信哉匪偶某追  
憶昔年趨陪劔履而今逃在海隅瞻遡山斗真  
在雲霄刻刻興思萬里猶比隣公之心得無同  
乎正郎林聯峰北行遣一力附申起居之敬所  
有副幅總冀

台鑒不宣

簡李石鹿公

恭喜榮晉宮秩嘉承帝賚積慶流光信哉匪偶  
夫士之仕也所貴者時明良會合魚水歡洽今

少林漫稿 卷下  
昔所希奇由茲入黃扉以經綸萬邦以擬承主  
德光天之下至于海隅蒼生則某雖巖居人猶  
復見昇平之盛尚書曰惟時成周建無窮之基  
亦有無窮之聞惟公於皇明亦云去夏僕回過  
承宋緞川扇之惠副啓更慙懃感謝知好不忘  
踈遠古道幸于今見之茲門士林正郎焜章入  
京附一力奉申起居之敬餘具別幅頌言鑒照  
不宣

簡趙劍門公



P4

琬貺至今存念時三司索贈文還朝冒昧不揣  
執筆今家中被倭難延爽一空文稿無存想當  
時贈軸猶有存者或在京或在府上均乞查檢  
瞻過寄還以見相與之誼云祈懇真切真切啟  
鄰室廬人民去其大半慘酷不可言倭犯自乙  
卯至壬戌當事諸公皆因循玩愒無有實心憂  
國爲民之意貽害至此更百年不能生聚如舊  
傷哉傷哉楮餘附布惟覽照

簡陸公子

尊公登仙府屈指韶華溢焉六禩音容若存每  
形之夢寐隔世神交萬里比隣言念及此涕從  
筆下去夏小价回承復簡茲遣价入京寄去香  
荔三百申尊公几筵之敬惟視至幸幸

簡邢雉山公

雲樹茫茫音信杳然追憶京城東寓比隣左右  
昕夕依依無少間而今僻處海隅去留都便隔  
數千里言念高雅何日忘之人言林下之樂不  
意暮齡所遭若此且人情世態嗟噫處處相同

公所與遊者猶有野叟山僧而蕭之所存殘氓  
更蕭索田疇廬舍煨燼之餘皆令人隱切第病  
弱出門爲艱猶欲束書北遊與公泛舟于吳越  
淮揚間不已願乎房中有免身者必能罷恧吉  
遣小价入京附候起居併謝佳絨即令善工製  
之不然何以卒歲草略不文

簡尹洞山公

恭惟新春履慶虞帝垂拱而夷典三禮獨膺天  
祐由茲入黃扉以經綸萬邦以弼丞主德光天

之下至于海隅蒼生則某雖巖居人猶復見昇  
平之盛吾同榜三百輩掀揭名業于兄鍾社不  
重有望乎去夏僕子歸伏承台諭執誦再三不  
待念堂至知的耗爲極慰又云難後事事觸懷  
惟勸寬懾自怡洞達處困所宜說同志軫念其  
情自別古道幸于今見之佳幣即令善工製之  
服之無斃每束帶則重君子之賜若併力謀大  
使海上無警報此在明公等在高位責也某何  
能焉小僕入京恭上起居併佈謝悰總冀垂照



P8

以嘉惠天下與來世名亦垂之承賜全帙始  
精奧從茲大同之詹其有備乎翩翩佳子策  
旅食茲土見之每媿然何時枉駕命酌同一  
口乎此可與知者語漫附鄙情伏冀俯察兩  
欲煩潭仙一行容再報

簡答郡守易洞臯公

省錄修正無餘詞矣十月朔廷中頒鳳紀茲拜  
賜更早知來歲正朔矣日月漸加初心益負知  
已如明公何以謀也草筆裁謝惟覽照

奉邀藩伯塗任肅公

一陽初復群陰退聽天地之心見矣公奉命蒞  
茲土對時育物清寧安輯之化從今伊始九日  
備春釀奉枉台從與公懽忻浹洽調管計畧不  
直長一線已伏冀俯臨無辭俾賤主有華光焉

謝藩伯塗公

雄筆鉅辭纒纒立就而銓次過於揄揚寔煩心  
神顧謫劣為堪焉夫知身所出而不知吾身所  
自出故視宗之人與秦人同殆有甚焉可慨也

某從齠年已有心盟偶今得行之酬夙願爾世  
有厚於外姻枉費千金而不吝未一二代親盡  
跡絕亦有不旋踵相負背者不知其何見伏承  
按治采世風者莫如明公敢以質焉門寒產薄  
藉瑤章光射萬丈何啻百朋先子含笑於地下  
而支庶玆襲於永世矣即欲請臺以榮發亟敬  
候于北郊先此陳謝

謝郡守易公

望日躬奉捐祀田二券請印記不及見適吏人

至領鈞筆詞簡而義盡作者有以風之後之人  
非所計也此可與公道府批未蒙易姓恐久無  
稽也草略裁謝容面候

簡復莫大尹丹崖公

學殖也不學將落也某生不辰逢此城破家毀  
之後加之人情世態嶮巇皆耳目所不堪聞見  
鎮日欲攝靜自怡第無可幹盡者以茲分心餘  
務益荒舊業仰承不鄙見委愧弗文何以塞  
也台命不敢違以任翁尤辱知好當二二

稿以復執事者

謝劉吾南公

公守建州時汪濺之澤沛及八閩豈直九里之  
潤而已耶某在詞垣飮聞道譽欲晤無緣去冬  
明公爲天子宣德惠駐節于莆者閱月廼得親  
顏色聆誨言所藉以開鄙吝者多矣別已春暮  
忽承翰諭引飭益增愧悚無以嘉儀顧何德以  
將之茲函表入覲雲樹茫茫寧無懷乎臨楮不  
盡相思草略裁謝願言鑒察不宣

謝巡撫汪南溟公

遙憶去年此時得從台侍盍馬經春徂秋瞻溯  
惟勤翁晉秩御史大夫德威敷施遐邇咸賴某  
適遭喪明之感不及函詞致一賀昕夕懷歎使  
至再拜鳳紀龍馭四十四春矣沐浴皇仁與天  
同運第巖居鄙人歲月漸加初心益負何以為  
教也敬啓申謝併道下懇伏冀賜照無任戰慄  
悚懼之至

又

春將歸矣相公履慶與生靈共之所願祝者四  
夷乂安百穀用成而敝郡駸駸然人民懷集居  
止保定泰平果有象乎某林泉一叟日與田甫  
歌咏福庇無絕已時公任職過慎如來諭今爽  
然釋矣辱承腆貺曷堪存遺春釀初熟何日得  
與公促膝論文慰茲積勤北瞻樞極懸竚為煩  
伏冀台照不宣

答郡守易公

致堂先生過嶺南亦無本子所著作嘗見出

一時記憶流傳至今公讀書過目成誦下筆  
有神且行得一寸又勝於讀得一尺以閩南  
遭若此故不束書以從僕在內書堂教書九  
所積官書盈棟今煨燼餘承命欲查事文類  
偶有之謹全部計四十冊上覽

與鶴汀姪

昨飲良醞享盛筵嘉尚雅勤在吾姪禮亦宜之  
有酒食先生饌翰林諸公常戲言晦翁註先生  
作父兄座主又添一貧餓姪酒食果爲父兄設

言之嫣然

簡塗任齋公

昨承留款登樓達觀而山形枕流依舊移尊前  
齋情興勃然非明公略分推誠曷以發焉保釐  
重寄士庶倚以爲命公不可一日離茲土函表  
榮行當有代之以佳盟候涼願無忘月潭乞令  
之來爲開

林居人  
水石而親書  
談墳典

者亦鮮矣。本剛褊之性而兼以荒落之學，知  
不調俗未動。故閉閣寡侶，比脫虎口，聞寂  
滋甚。何幸得公光蒞茲土，傾蓋白首而二年。歲  
月瞬息若飛，昔云少疾見相知，即脫去。每見公  
心神怡然，躍躍。一否古今人論，協而見一  
戀戀然，不忍釋爲心同也。爲遭亂後失怙恃也，  
駕貴蘄門，庖人司菽水以承長者，亦分耳。何敢  
言勞且賞以重惠，公用情厚矣。謹將命布之，庖  
下六小。念何日已焉。少頃北郊西

致不文

簡李石鹿公

春間令二僕往候台居，叨承道愛，非朝夕之故  
宴有所陳，惟異炤在不言海上，未靖暫遠，敝地  
所仰藉得免艱虞者，總戎戚南塘分藩塗任齋  
併力協心，輸忠報主而瀕海殘氓稍就安集，長  
治之計尚未知所出，南塘威信行於蠻夷，一日  
不可使離茲土，一離則八閩不可保矣。任齋先  
生高朗練達，節愛元元，仁昭而義立，相度機宜。

保釐方井井有條而監司捧表以次行某聞之心甚懊惱唯仰屋長嘆者久之目今浙兵數千偏裨諸將盤防于此任齋行矣其誰與理民將何恃不亦殆哉且送迎之際吏緣為奸孰得而嚴之為今計二公皆文武鉅材乎于上下遐邇使久在吾郡則極陰之餘陽澤可施顛木其有由藥乎吏兵二部長與翁時上下論議千萬為國薦賢執樞軸者信而用之不疑望資既深叙遷特異則孰有不安其職而行其志乎大敗極陳非他比所司尤宜優簡非有積德乎其不能扶衰反正禍益甚焉公社稷重臣以天下教然為已任聞某言寧無聽乎非為二公憂為八閩也僭瀆尊嚴伏冀亮察不宣

復成南塘公

已日携樽榼與公涵江匆匆一會會又別安得有山陰之興放舟剡溪上下水波不興乎使至領良驥得魚山人徒步而絲幣令善工製之向暑服之甚適愧不稱也特荷推衣入視有馬借

人之風遠矣非言能謝總在心照

簡復思泉表兄

某蒲柳之資精神氣血日潛消于流華今當定  
籍清賦之年不免一經心過目修葺東里舊第  
細事蝟集雖欲不親不可得已兒子年幼未暇  
事課之文學以有限之年生茲不辰幸賜閒宜  
嘯傲烟霞逸情泉石一塵弗染是為夷猶暮  
今若此何以長生非向公道之其孰與念讀  
囊集知所與贈馳皆海宇名流足稱世家子弟

傷天瑞奇才早歲不棟而其所遺者直  
桂都澤如也一讀一唏是可以傳不  
下有人雲山蹶使人含涕天福善以昌後何於  
公林江獨斬乎殆數之不可知也省城洪  
水既平流盜已禽第吳平出港明春勾引倭夷  
中未可安枕熊虎老將如南塘獨領群兵久  
割海繳兵餉日艱誰或思之楮餘草略一及臨  
筆惻然餘惟尊鑒不宣

簡郡守易公

舊郡守岳蒙泉公嘗題西關有云林巒青欲滴  
 城郭隱如無全功些子欠我設小西湖闢西關  
 以濟東流築石堤以殺水勢所以通血脉以壯  
 支幹於全城之中兩畔居民饒庶舟子往來民  
 甚便德之日者倭夷襲破城池遂為瓦礫之墟  
 有陶沙一班又堆沙泥日積水道淤塞而菁仙  
 二邑米柴俱隔關外行人見之莫不咨嗟城  
 後而河涸蓋見焦枯民何以生生蒙翁俯視  
 六懸毅然欲興利陳公承命詹望日應吉先於

關口命工濬昨登關上盼水流汪汪油油舟漸  
 次可行乃言曰甚矣水之為利也萬姓懽騰皆  
 知功之所自出然事貴謀始圖終敢煩翁鈞令  
 以速成爲貴則嘉惠興人與岳公並美愛則傳  
 不直今之口碑而已四城隘其重門雉堞又高  
 其舊氣蒸而鬱皆非民所欲謬辱道愛僭敵民  
 風詮頌功叙嗣當一一志之伏惟賜鑒採納則  
 眷眷下懷爽然釋矣

簡趙大洲

追憶館閣時昕夕依依三載嗣是參商庚申歲  
賜閒出京次年公入京雲樹茫茫徒增瞻遯而  
已闕廷會盟公侃侃直聲第瞿然敬慕至今言  
者以爲曲茲何說也必有自也回籍初擬省城  
卜居而三衛軍廼以乏餉激變幾成大亂無計  
俟倭奴稍退歸莆壬戌春三月十三日復受犯  
至十一月盡日襲破城池殺掠延燹酷毒 忍  
言四小兒被害餘內眷先寄山房居第被焚家  
無長物外人訛傳第削髮爲倭長今髮尚存苦

楚萬狀喜得生還散地自國初未蒙兵燹暮齡  
遭此不辰僅新第無恙可蔽風雨起居如昨第  
氣血潛消于歲月 使吏人騰謗于京師藉  
口縉紳賣水賣杉鼻閉糴以致內叛開門莆家  
家有井素無賣水說幾何杉鼻足一郡燒七八  
年爲倭至田荒穀翔價一兩何可以閉糴乎  
卯倭航海而來幾萬里士庶豈有不惜身家墳  
塋而顧贖貨取敗利其小而害其大乎當事者  
全無料機却敵之才實心恤民之意尸位冒祿

賊來而依違苟且望風奔潰城破夜

分

守猶與士夫對飲賊人假作總兵

差人下

書與之入城樓對話說

半夜進兵戒守城

人莫敵柳四更時賊從西北緣梯魚貫登埤

原市井棍徒冒籍劉岷川年兄家其實南昌

縣前人犯罪被奔各處因緣至此兵無千數十

一月朔移檄有十二萬人馬分道夾攻不許諸

將浪戰惹罪郡人饑渴望之彌月不來夷人得

覓其虛實

在福清隣邑坐視逗遛不採援

遂至萬鬼含冤罪逆滔天自甘顯戮猶不知悔

禍乃詭計飛語以自文獨何心哉流言止於知

者非與恐知已欲聞故紀畧以告伏惟覽照鳳

野公辱知好有復簡託為轉致見萬里故人意

望望

與周松厓揭帖

種奸鼠腐而正氣充塞于兩間流芳于萬

士寔繁非吾子其誰與家計蕭條櫛兒年

有悟性稍通文義可教壽壙自作于囊山古

之後步履支持藝花插柳養魚狎鷗酒飲不數  
行無別韻况敢以告知已滇中作幕時曾有贈  
文灑筆卷子此稿被焚萬冀騰一篇寄何公鳳  
野轉致亦使子孫知通家相與之誼忠臣歷  
之詳也

簡塗任齋公

公茲行入賀闕廷事竣畫錦放鄉省親之  
孝之道繇之而天下之為臣子者嗜噴  
且遇矣臬長新命繼以岳伯銓曾拾遺

平薦紳士得無興乎尔別經年山中岑寂  
長者車過從蘅門劇談世務或撫景適情  
粵咏不可一得雲樹茫茫舉目凄切今喜  
光臨所共欽矚而况同心之愛出於其情  
能匍匐稱慶肅价致筐篚之敬仰惟尊照  
簡謝易郡守惠五柳圖三練法碧琅玕  
扇履端鞋

即云五惠於巖居人甚適紅鞋白襪逍遙  
下按圖而觀之見靖節之大爾中節向

六玕令童子揚薰風于左右午睡一醒  
朗誦鄧士魯三練之歌何樂如之肅  
照謝懇

然臺公

承翰貺之辱率爾裁復奉陳記室人  
表不離自營壽域于囊山古寺之後江  
降疊出亦莆中勝地日樓遲于此志  
他何慕焉久違顏色肅啓申起居之  
巡成茲良晤餘心照不宣

奉朱鎮山公啓

緬惟庚申冬十一月過東山兩承慰問無以佳  
貺自懼踈淺何以得蒙大人長者垂念繾綣若  
此感戢曷忘諸敝城洪武來不遭兵燹城之陷  
也自今日始倭之爲患也十餘年矣郡城之陷  
也自興化始督戎諸公原無憂國保民之心又  
無臨機料敵之智日夕玩愒事同兒戲其詳具  
於紀略道遠言浮特茲馳簡細道之伏惟尊鑒  
不宣

奉李石鹿公啓

自叨詞垣從公遊握手論心非朝夕之故平生  
賦性剛褊臨事盡職無脂韋與人交亦不能効  
俗態惟我公深亮之康寧冬十月辱都門奉別  
于今四載感戢何日能忘諸被執營中筆干紀  
略道遠言浮特茲馳簡細道之恭申謝臆無任  
瞻慙伏惟尊鑒不宣

奉劉帶川公啓

近聞邸報北虜抵通州公膺遼薊新命文謨武

略大展才猷此其時乎緬惟榕城促膝論  
經年日夕依依芋原分袂至今惆悵公駐節  
夷伏承翰諭叨以巖居鄉宦得登首薦海內交  
遊鮮知已今知者非公其誰與伸於知已而屈  
於不知已自昔爲然舉爾所知又何嫌焉嗚哉  
肝腑傳示子孫公行未幾柄兵者即激成軍人  
之變亂者二三日廼定遂驚懼飄然抵家壬戌  
三月八日倭至攻城九月戚南塘領兵勦殺十  
月初新倭繼至當事諸公原無實心憂國之忠

又無臨機應敵之智日夕玩愒事同兒戲十一月廿九日城陷日月昏翳萬鬼煩冤某被執營中外傳起居多屬譎幻辱公知殊深恐欲聞特茲馳簡奉報聊一解懸懸爾伏冀尊鑒不宣

奉礪峰康公啓

別我公久矣日者承慰諭兼以金幣即命工製之以昭惠也倭奴爲江南患滋年矣郡城之陷也自吾郡始洪武來不遭兵燹吾儕生也不辰逢此悖戾其慘傷也大矣日月昏塞神鬼煩冤

督戎者原無憂國保民之心又無臨機料敵之智日夕玩愒事同兒戲及城弗守藉口鄉宦造飛語使人騰謗于京師不能罪已而欲賈禍于人何其說之不經也弟被執營中五閱月有兵至衆譁然以爲黃五叔統兵來外又傳弟削髮爲倭長衆言混淆莫知其端新倭繼至十月朔攻圍仙邑月餘未解譚戚二公併力同心日夕勞瘁今兵稍集南北夾攻可克也茲翔便附報仰申謝臆伏惟尊鑒

又奉威都督公啓

公以身為萬民主解仙邑三角之圍麾旗幟親  
戰陣手刃倭奴有不聽命者罰不移時社稷之  
國家所隸也忠赤可以通天地格鬼神昨遣  
僕入京附敝親家陳環江行簡諸老備道地方  
前後事公功當上賞聞者足以慶矣伏冀嗣是  
兵勢衆多量敵而進必殄殲之使萬年海濱之  
無遺育在公茲行

奉宗主鳳阿姜公啓

奉京邸得親顏色領誨言公自庚申以憲職  
全蜀文柄南北各分良朋伊遠嗣是蔚有聲稱  
仍以憲副筦文柄于八閩閩與蜀無慮數千士  
德立教成風之所被者遠而澤之所及者衆繼  
自今為官賓為學士晉秩宰輔道修於身而行  
於內外上下不巳華乎某巖居遭城破被倭執  
者五閱月精神氣血醫至今未平日者聞文旃  
抵榕省未敢修一敬通一問而明公乃賜以綈  
儀先施情懇眷眷於同院之雅也揣分奚堪捫

心益激裁啓恭謝伏冀覽照餘容面謁細陳下  
悰不宣

簡復陳少淇公

北郊尊酒言別盍馬經年嗣得常山燕京二諭  
真切萬里猶比隣信然信然恭喜客秋晉秩大  
廷尉民之司命天下所倚以爲平欽恤心充然  
不可忘由茲登樞垣邁運行道功銘彝鼎名列  
史冊爲古今一竒大丈夫不深有望哉某在職  
竊祿竒度歲月及今巖居中夜以思悔將何  
負此生與此時焉爾已非公不敢道廷診弟早  
暮一視之春日有懷適使者素復簡草略布悰  
併謝賢書香帕之惠時誦無以爲賀惟向天致  
數語爲祝伏冀尊亮不宣

奉分巡何鳳野公啓

黃花晚節白鴈含情蜀與閩相去幾千里憲旆  
巡察茲土昕夕得以荷容與聆誨言民得以懷  
來百穀用昌而黎庶元元得免艱食道化漸漬  
風之所被者遠安能思初佚能惟始不令人發

深省哉銓曹計吏公當躋華陟要恐爲一方殘  
氓借使車將大有所授巖居岑寂馳慕無已茲  
因貴門士行奉佈下悰併申起居之敬不宣

奉戚南塘公啓

韶華如轂春且深矣昨恭迓于南郊執酌言曰  
正月三日之別今爲閏初旬轉盼經時皆爲陳  
迹惟我公宣力效忠驅馳于閩廣之交與倭奴  
合戰無慮數次餘黨奔竄于林谷海澗間閩以  
南無復虞矣生人者功大所在著思公曰是天

色鳥聲夕陽在地人境俱寂倦遊者所甚樂而  
安焉我姪高處司齋何日得行酒賦詩促膝談  
心慰我衷曲也契姪王生便附候興居惟鑒照  
是囑

簡內翰陳對溪

恭喜榮登春省高第是父是子有重光焉館閣  
掄賢得以吉士進讀書中秘與海內名雋握手  
論心調蘭斷金不已幸乎回首二十年初進亦  
蒙是選屈指韶華如夢中事公遭際 聖明卜



2

P27

色鳥聲夕陽在地人境俱寂倦遊者所甚樂而  
安焉我姪高處司齋何日得行酒賦詩促膝談  
心慰我衷曲也契姪王生便附候興居惟鑒照  
是囑

簡內翰陳對溪

恭喜榮登春省高第是父是子有重光焉館閣  
掄賢得以吉士進讀書中秘與海內名雋握手  
論心調蘭斷金不已幸乎回首二十年初進亦  
蒙是選屈指韶華如夢中事公遭際 聖明卜

相登瀛寔周家之楨豈直粉榆之華哉殊深冀  
浣尊公北行敬修短簡聊佈下悰總冀台照不  
宣

賀易洞臯公

維嶽生申適應昌期之會有殷夢說聿資良弼  
之功方宣惠于海邦三年底績即蜚聲于廊廟  
此日欣逢昨曾申祝于堂階不敢再煩于伏暑  
薄進壽筵之庶品以彰侍彩之微忱鴻私仰冀  
鑒存燕喜尤深舞蹈

簡復塗任齋公

榮發時爲公難之茲已歷程途萬餘里屏翰方  
岳爲社稷重臣闔眷星聚宦卽爲家則日見其  
易焉爾已第苦陳人僻處巖壑公高居薇垣義  
無出疆則握手調蘭之期未蔡祗昕夕神馳爲  
煩爾良晤或天有以假也使至遠錫瓊瑤光昭  
蘅藿閩閩之內咸嘖嘖然頌我翁逮下之仁夫  
人其善承之媿美之休感與媿并總言申謝仰  
惟尊鑒

與易洞臯公

校士連朝聿收得賢之功雖盛暑不爲煩是月朔日承頌留餉公自爲期十日來赴飲不意別後瘡勢盛發結毒流膿幾晝夜忍痛不堪以此改卜期第客興已張主人無以承之甚自愧悚恃至愛能亮之謹佈下情

與陳別駕

左腰骨間是月朔生一腫毒蔓延至今太守公朔辰下顧留款說七日八日考生員初十日來赴飲不待招公遠自仙歸則二妙並美揄揚永晝之長以傾倒河朔之飲枕簟清涼歸路待月得非主人至願乎而今尚未能惟翁爲謀之

簡新任貴州憲副林聯峰

天有遠土君無遠民貴藩尊公曾宦遊其地而我公繼之世其職顧不爲榮哉部俸獨久而葵峰東野皆知公者諺云食祿有方信哉既承命早宜赴任鄙人每觀遠岳重臣晝歸鄉井夷遊桑梓之樂竊不爲安恐非所以服勞皇家之義

如來論誠是近病瘡今勢稍減負挑檢方忽承  
翰貺之辱情與文俱感慰殊深客歲二僕附行  
春還荷遠惠併謝天暑正煩倍加珍攝願祝

雜文

修醮書詞

明神現世陰  
仁之妙用或隨其  
任其氣機之敷施克斥于冥冥有感必應無遠  
弗通自乙卯春蠢茲倭夷之肆虐以毒我人民



P33 - P34

辛亥年用銀叁拾兩修蓋狀元公牌樓  
戊午年用銀壹百貳拾兩重建朝請祠

嘉靖四十三年甲子長至日世孫廷用謹識

福建布政使司分守福寧道兼漳州地方左叅

政塗批

甲子一之日陽和初暢風物熙恬乃以茲  
暇走訪司空黃公於東廬破醞炊黍劇談  
古今偶及徃代瞻族焚券諸事欣然共嚮  
之少焉公出是日手書捐田助祭二券相

示余遂不覺當祭而嘆曰善哉斯舉也可  
以風矣夫世衰道喪人私其身陶朱取贏  
計然稱雋族焉則之如流漸下矣豈知嬰  
秉齊軸宗不步跣廣辭漢綬藏無留金古  
人所以重一本而榮君惠者孰非萬世士  
君子之型範哉讀二券公之颺歷聲華不  
復具論而此舉大旨則以 聖朝恩光祖  
宗積慶爲重夫覃恩光忠也 溯積慶孝也  
舉大祀而不釀族仁也一事而三善備焉  
信矣哉可以風矣余也叨守茲土世業風  
教胥爲有關故特表而出之以 缺他日采  
風者東里亢宗其世守焉而無失可也

興化府 批

閱此券此批冬卿敦本之忱 當道維風  
之雅俱見矣黃氏子孫其世守之庶敬承  
表正不遏佚前光云

莆田縣 批

捐俸置田以饗以祭由宗及祖孝廣本支

黃氏孫子世守勿替

送田母族

新贈太孺人鄭氏廷用母也魯外祖福五公生  
下三子長房無傳次房拙庵生太孺人伯舅學  
文遺一孫亨三仲汝信季汝忠皆無傳三房南  
圃遺下七子今所存孫壽六壽八魯孫斯遷斯  
文斯雲家計蕭條祭宴無備謹撥田貳拾石准  
為蒸嘗之費切念熊丸之教叨壬午省薦榕城  
歸見堂客在座而母不及見抱柩泣血

之登乙未進士官檢討修撰晉秩司經局洗馬  
兼翰林院侍講累官工部右侍郎積俸所貽分  
之母族推恩之所自也鄭後人歲時承辦祭物  
其糧差共戶辦納外祖拙庵公汝信舅清明重  
陽加一祭請子姓與黃門子孫共饗之見設田  
之意云

送田房弟廷本

同祖弟廷本敦朴無爲惟傭學家塾今城陷歲  
更荒矣撥田貳拾石送與養贍終身仍貽本支

子孫即日就少村戶下除割東廂三畝黃廷修  
戶丁廷本納糧當差永爲已業本房子孫毋得  
故違自取不孝之罪其共承之

助緣南山西塔院券

始祖唐御史裏行公讀書南山之巔三十有六  
年故其積學著之爲文見有集傳于世普門庵  
祠其像舉西塔僧之可者以奉其祠予未第時  
嘗讀書于西塔北樓之下僧所有田餘千石近  
多侵沒僅存若干畝田多濱海歲歉山門鐘樓

頽壞年久無力修葺前中後三正殿并兩廡稍  
可蔽風雨東廡外香積一直漸入凋弊西廡外  
雲堂石柱木瓦已湮毀只存基址可慨已予官  
翰林二十餘年比抵家念各僧貧難且思此院  
與羅漢峰先大夫玄宮相近乃捐俸金三十兩  
給與僧祖輝濟雲以相厥工仍施租二十石歲  
存香燈先大夫忌日設齋誦經我子孫世共饗  
之時皇甫理山公視郡篆僧所立券即欣然識  
之以示永遠自今伊始各僧務守法戒無孤今

日意若潜行撥托變賣我家子孫當鳴之於官  
嘉靖乙卯春三月司經局洗馬少村黃其書

近形開采及染管家住任藕花心銀濤夜濕  
時  
波玉林長伴藤蘿看虎伏忽  
可  
遊至井華峰上安得驟鸞一

往詩  
風

國

同治  
庚午

